

三法五

駁案新編

三卷

駁案新編卷九

目錄

刑律賊盜下

挾制圖姦不遂謀殺二命

誣良爲竊拷打致死通行

縱姦本夫被姦夫毆死

無服尊長盜卑幼尸棺同凡論

發無棺之屍比照年久穿陷之塚

比依發年久穿陷之塚

側墳造意不行又不分贓以臨時上盜爲首

發掘遠祖墳塚開棺見尸斬決

比照夜無故入人家擅殺擬徒

因搶錢人扭毆斃傷致死

明知賊情說合贖賊新例

駭案新編卷九

刑律賊盜下

陝西司 一起爲首明事會看得靈州回民丁緯等蓄謀殺死馬之順與丁馬氏一案先據原署陝甘總督兼管蘭州巡撫事和其衷疏稱緣丁馬氏之夫丁起係丁緯無服族弟馬氏與同姓不宗之馬之順素有姦情伊夫丁起明知故縱乾隆二十七年二月內馬之順幫給丁起錢文布疋前往肅州尋覓生理丁起遂將妻子交託馬之順照看馬之順往來姦宿醜聲昭著丁緯聞知於二十八九年倡率丁仁丁自保丁自立丁文在馬氏門首截打三次初次詐得馬之順制錢四千文二次詐得駝羔賣錢八千文三次詐得驢一頭賣錢三千文及梭布一對俱經丁緯等先後夥同分用上年八月內丁緯向馬氏求姦不允蓄忿圖害卽於九月內寄信丁起促令回家而丁文亦於三十年正月內調姦未遂丁自保於二月內姦宿兩夜比及閏二月初二日丁起回至丁緯店內丁緯邀集丁自保丁自立丁文將馬之順與馬氏通姦情事備細告知勸令當場捉獲殺死姦夫姦婦爲之另娶丁起明知其事佯言欲看的實初三日晚伴爲搗刀赴家探聽故踏房屋聲響致馬之順開門而遁丁起回告丁緯丁緯復於初四日晚糾約丁文丁自保丁自立同丁起前往捕捉因馬之順未來而散初五日午後丁緯持棍在街望見馬之順進馬氏家內

卽喚同丁文丁自保丁自立齊赴馬氏門首堵截追丁五娃子送出馬之順丁緯卽行拉住丁文拾石擲中馬之順左眼倒地乘勢按住又毆左脇一磚丁緯用棍毆打馬之順臂腿三處丁自立取出木梯橫檔毆打馬之順左胳膊丁自保亦用鐵手圈打傷馬之順左臂膊脚踝等處馬之順當卽殞命丁緯欲裝點捉姦情形主使各犯擡屍入室其時馬氏先已躲入廂房復被丁緯踢開房門揪出將馬氏及屍身衣褲脫剝用繩分綁又復合網一處以飾成姦之狀當令在門外探望之丁五喚到了起馬氏一見本夫直揭其非並向求饒丁起內愧欲走丁緯用言嚇止復令丁五往取劍刀一把上燈時分解開繩縛擡至坑上先令丁自保持刀砍落馬之順屍頭帶傷馬氏左臂膊丁緯按住馬氏頭顱令丁起自殺其妻丁起託言手軟丁緯卽令丁文接刀將馬氏頭顱砍下隨令丁起用袋裝盛兩頭以姦所親獲登時殺死虛情赴州首報研訊該犯等供認不諱查馬之順雖係共毆致死但丁緯求姦不遂旋即喚令丁起捉姦親殺嗣值馬之順自晝拜年而出又有丁五娃子相送輒糾毆立斃復殘其屍立殺馬氏快其初意是馬之順馬氏雖死於丁起回家之後而其駢首之機已伏於丁緯向氏求姦之時該犯淫念不遂而欲殺馬氏因欲殺馬氏而必欲致死馬之順二人俱係丁緯謀殺丁文磚毆馬之順致命左脇傷重身死馬氏亦係該犯砍殺查馬氏係該犯無服族嫂應同凡論丁緯丁文除詭詐調姦各輕罪不議外將丁緯依謀殺人造意律

擬斬監候丁文依謀殺人加功律擬絞監候丁自立等擬以流杖等因具題前來查律載謀殺人遺意者斬監候從而加功者絞監候不加功者杖一百流三千里又例載惡棍因詐財不遂竟行毆斃情罪重大實在光棍爲首者斬立決各等語此案丁緯因知馬之順與丁起之妻丁馬氏通姦倡率丁文等屢次毆打訛詐得錢復向氏挾制圖姦因氏不從輒懷忿恨邀集丁文丁自立并在逃之丁自保等唆使氏夫丁起殺姦以洩其忿因丁起不允卽同丁文等齊赴馬氏門首堵截將馬之順肆行毆斃立斃其命復主使各犯擡屍入室揪出馬氏剝其衣褲用繩網縛裝點捉姦情形先令丁自保砍落馬之順屍頭復令丁文將馬氏頭顱砍下核其情節丁緯訛詐圖姦已屬淫惡復逞兇戕殺二命較惡棍因詐財不遂竟行毆斃者情節更兇該署督將丁緯僅照謀殺律擬以斬候殊未允協至於丁自立殺死馬氏時雖未加功而當丁緯唆令丁起殺姦之時丁緯已有必欲殺死馬之順馬氏之心該犯係在場同謀因丁起不從該犯等卽隨從丁緯齊赴馬氏門首堵截俟馬之順走出兇毆立斃丁自立持木梯橫檔下手助毆實屬謀殺加功該署督既稱馬氏馬之順俱係丁緯謀殺乃捨丁自立助毆馬之順於不問而以殺死馬氏時該犯並未動手遂將丁自立照謀殺不加功律擬流亦屬未協應令該督一併詳核案情按例妥擬具題到日再議等因題駁去後續據陝甘總督兼管蘭州巡撫吳達晉疏稱接准部咨以此案情罪未協駁令詳核

案情按例妥擬 臣覆加確核查丁緯因馬之順與丁馬氏通姦率令丁文等屢次截打訛詐得錢復圖姦不遂輒起意謀殺率領丁文等連殺二命較之詐財不遂毆斃一命者情罪尤重前照謀殺律擬以斬候實屬罪浮於法丁緯謀殺二命應改照光棍例擬斬立決丁自立除謀殺馬氏爲從並未動手輕罪不議外應改照謀殺人從而加功律擬絞監候丁文仍照原議擬絞監候等因具 題前來應如該督所題丁緯應改照光棍爲首斬決例擬斬立決丁自立改依謀殺人從而加功絞監候律擬絞監候丁文合依謀殺人從而加功律擬絞監候俱秋後處決該督前疏內稱丁起於各犯毆死馬之順時並未在場馬氏被殺雖經在旁目睹係由丁緯脅制該犯原有不忍致死其妻之心應依縱容妻妾犯姦本律杖九十折責三十板等語均應如該督所題完結等因乾隆三十一年九月二十五日題二十九日奉 旨丁緯著卽處斬丁自立丁文俱依擬應絞著監候秋後處決餘依議欽此

湖廣司 一起爲遵 首該擬具奏事會看得黃岡縣民曾榮懷誣竊拷打徐起才身死一案據湖北

巡撫鄧大進疏稱緣曾榮懷與徐起才素識無嫌曾榮懷因園地蔬菜不時被竊留心偵捕乾隆四十六年二月十七日早徐起才摘取自己園菜赴街貨賣經過曾榮懷地內曾榮懷瞥見疑其竊取喚入查問徐起才不認因畏其強橫乘間竊菜遂回曾榮懷愈疑竊菜屬實隨喚堂姪曾黑兒同至徐起才家將徐

總長爲
勇打殺死
總行

應有應其

勇打

勇打

勇打

勇打

起才捉住曾黑兒取繩綁縛兩手帶至門外曾黑兒有事他往曾榮懷卽拉徐起才至自己空屋內追問竊菜次數徐起才不認喊罵曾榮懷取鐵繩鞭打傷徐起才右肩甲徐起才益肆辱罵曾榮懷氣忿復連打徐起才右後脇二下並用鐵繩鞭頭連戳致傷徐起才左肩甲右胳膊右肘等處徐起才側臥地下仍不承認曾榮懷欲俟次日稟官當晚將徐起才關鎖屋內詎徐起才傷重旋即殞命次早曾榮懷開門看見當將縛手麻繩解下丟棄隨經屍父徐世周查知報經該縣驗訊詳屢審供認不諱查例載誣指良民爲竊捉拏拷打除實犯死罪外其餘不分首從俱發邊遠充軍又捕役誣竊爲盜拷打致死若照故殺律擬斬監候各等語此案徐起才本係良民曾榮懷因園菜被竊見徐起才挑菜經過輒誣拏至家私行拷打疊毆斃命實屬不法將曾榮懷比照捕役誣竊爲盜拷打致死例擬斬監候先行刺字逸犯曾黑兒緝獲另結等因具題前來查例載誣良爲竊捉拏拷打除實犯死罪外其餘不分首從發邊遠充軍等語例內所稱實犯死罪一語凡重至應斬應絞者俱包括其中如誣良爲竊係嚇詐逼認因而致死卽應照誣告致死律擬絞監候如係拷打致死卽應照故殺律擬斬監候是誣良爲竊拷打致死之案自應照本例實犯死罪問擬不必牽混誣竊爲盜之例乃向來各省督撫遇有此等案件俱援引捕役誣竊爲盜拷打致死照故殺律擬斬監候之例辦理查誣竊爲盜係以輕罪誣爲重罪若其人本係良民輒行誣

竊拷打致死是以無罪誣爲有罪案情既有不同引用自應各當今該撫於曾榮懷一案不引誣良爲竊之條而比照誣竊爲盜之例是以良民等於有罪之人既於案情不符亦引用失當曾榮懷應改依誣良爲竊拷打致死實犯死罪照故殺斬監候律擬斬監候秋後處決並請嗣後遇有誣良爲竊拷打致死之案俱照此引用不得循舊牽引致案情不符並通行一體遵照辦理該撫既稱曾黑兒飭緝獲日另結應如該撫所題完結等因乾隆四十六年十月二十八日奏奉 旨依議欽此

湖廣司 一起爲稟明事會看得鍾祥縣民蕭舉賢縱妻彭氏與沈國寅通姦被沈國寅毆傷身死一案據湖北巡撫陳輝祖疏稱緣彭氏係彭成子之女彭成子因無子嗣招贅蕭舉賢爲養老女塔生有五子一女乾隆三十七年彭成子夫婦因蕭舉賢不務正業分給田畝另居遂與沈國寅認識是年二月蕭舉賢借用沈國寅錢二十千文未還十月內蕭舉賢將女許給沈國寅族姪爲妻沈國寅復出本錢與蕭舉賢夥販牛隻三十九年三月沈國寅向蕭舉賢之妻彭氏調戲彭氏喊叫沈國寅當卽跑出蕭舉賢回家彭氏告知前情勸勿與沈國寅往來被人恥笑蕭舉賢答以事屬常情無可恥笑至六月中蕭舉賢攜魚沽酒邀沈國寅至房與彭氏共飲彭氏不允是夜沈國寅同蕭舉賢在堂屋歇宿二更時分沈國寅潛至彭氏房內哄誘成姦次日蕭舉賢並未聲張嗣後沈國寅至家蕭舉賢卽往廚房睡臥讓沈國寅與妻姦

宿沈國寅陸續送給彭氏衣襖並零星資助蕭舉賢錢文四十一年九月蕭舉賢田房變賣復搬住妻父彭成子家沈國寅仍與彭氏往來姦宿四十二年八月二十一日蕭舉賢因擇二十六日與子蕭冠英與童媳婚配邀沈國寅往集置買什物至晚回家彭氏將酒給與蕭舉賢沈國寅共飲蕭舉賢令沈國寅至廚房睡臥沈國寅欲與彭氏姦宿不允彼此爭論沈國寅將油燈搗滅彭氏卽赴廚房點燈沈國寅喊罵蕭舉賢回書沈國寅卽抬房內所放木槌打傷蕭舉賢頂心並顧門偏左彭氏聽聞喊叫攜燈趕進房內將沈國寅拉開蕭舉賢業已受傷躺臥床上沈國寅當時跑走彭氏因係醜事延醫調治匿不具報伊子蕭冠英並同彭成子夫婦亦俱隱忍未敢聲張至二十六日蕭舉賢堂弟蕭舉貴因姪婚配前往賀喜因不見蕭舉賢當向彭氏查問彭氏答以患病在床蕭舉貴進房探望見蕭舉賢頭上有傷不能言語復向彭氏追問彭氏捏稱與沈國寅口角打傷蕭舉貴往投保甲沈國寅聞知卽至彭氏家令其同逃躲避彭氏亦卽跟逃旋經拿獲蕭舉賢卽於是夜因傷殞命報縣驗審不諱查沈國寅與彭氏通姦原係本夫蕭舉賢利其資助知情縱容祇因兩人爭睡口角毆打致被該犯毆傷斃命與私自通姦而毆死本夫者不同自應依鬪殺定擬沈國寅除與彭氏通姦輕罪不議外應依鬪殺律擬絞監候彭氏擬杖等因具題前來應如該撫所題沈國寅除與彭氏通姦輕罪不議外合依鬪毆殺人者不問手足他物金刃並絞監

候律應擬絞監候秋後處決該撫疏稱彭氏於沈國寅毆打伊夫之時並不在場及聞喊叫亦經趕往救護其後雖同沈國寅逃走又係畏罪所致並非欲爲夫婦彭氏合依本夫縱容妻妾與人通姦之婦杖九十律應杖九十折責三十五板係犯姦之婦照例的決離異歸宗彭成子因年老患病曾氏係屬沈疴不能約束應請免議蕭冠英當伊父被沈國寅打傷因係伊母醜事未經首告並免置議沈國寅送給彭氏衣服追出變價充公其陸續資助蕭舉賢錢文並前借錢二十千文蕭舉賢已死照律勿徵等語查彭氏於伊夫被毆之後輒聽從沈國寅同逃躲避卽係和誘知情彭氏不應如該撫所題依縱姦律擬杖合依被誘之人減等滿徒律杖一百徒三年係犯姦之婦杖罪的決徒罪收贖餘俱應如該撫所題完結等因乾隆四十三年七月十六日題十八日奉 旨沈國寅依擬應絞著監候秋後處決餘依議欽此

安徽司 一起爲盤獲事看得亳州匪犯程大扒竊程君錫之妻刁氏墳塚開棺見屍得賊一案先據安慶巡撫衛哲治咨稱緣程大係程君錫無服族叔同村居住程大知程君錫之妻刁氏墳塚新葬起意扒竊乾隆十四年正月十九日半夜時分自帶鍋鏟一把潛至墳旁用手扒開浮土復用鍋鏟將釘空去揭開棺蓋剝取屍衣等物將棺蓋好堆上浮土時已五更天色將明慮人知覺將賊攜至空廟藏於神像座後而歸於二十三日將裙襖三件當錢二百五十文花用二十七日復持餘賊赴當經捕盤獲臬州層審

無服之
比服年
入卑昭之

供認不諱程大係刁氏之夫程君錫無服尊長應照親屬相盜無服之親減一等於發掘他人墳塚開棺見屍應得絞罪上減一等杖一百流三千里等因咨達前來查律內尊長發卑幼墳塚開棺見屍總麻杖一百徒三年小功以上各遞減一等又律內親屬相盜無服之親減一等各等語親屬相盜律雖有無服親屬減等之文而發掘開棺實惟有服尊長方得議減律載甚明難容牽混今程大與刁氏雖係無服尊長親屬但發掘開棺實與尋常盜竊財物者不同自應依律科斷乃該撫將該犯以發掘開棺擬罪復引親屬相盜之法議減實屬錯誤事關罪名出入未便牽結應令該撫按律妥擬具題到日再議等因咨駁去後續據該撫咨稱遵查律載發掘他人墳塚開棺見屍者絞若尊長發掘卑幼墳塚開棺見屍者總麻杖一百徒三年小功以上遞減一等語不言無服尊長應同凡論程大既係刁氏無服尊長應改照發掘他人墳塚開棺見屍者絞監候律應擬絞監候但查程大於乾隆十四年十一月初一日在監病故應毋庸議等因乾隆十五年六月內咨覆完結在案

江西司 一起爲掘棺毀骸事會看得廣昌縣民符文瀾等因掘符禹甸之父符拔五及符飛六之父符左泉棺骸一案先據調任江西巡撫阿思哈疏稱符文瀾符禹甸之始祖符明夫遺存保門嶺公共山場地土廣闊並未分晰山分左右兩沙左沙土名千工坑右沙土名劉家嘴長房之符文瀾等已在保門嶺

葬祖符大初祖母辛氏又左劉家嘴葬祖符明遠并易氏墳塚年久惟符禹甸故父符拔五先葬於吉祥里地方符禹甸以墳地不利欲遷葬於保門嶺左手下沙公山符禹甸之堂姪符飛六因父符左泉屍棺未葬亦欲葬於保門嶺商同並葬乾隆十三年閏七月十四日夜符禹甸遂將薄板竹釘串成小棺邀同符自魁符星伯符星廣符星富等往遷父棺符禹甸見父屍未經全化所備小棺難以盛殮將兩頭橫板拆開裝入屍骸其兩旁板片旋亦散脫符禹甸隨將帶去白布纏縛父屍止用底板一塊觀屍用繩網縛擡至保門嶺山內符飛六另邀符欽聖符帶清等將父符左泉屍棺亦擡至山同它一壙當將棺骸放入符禹甸同弟符歧山又各脫衣覆屍正欲加土十五日早符文瀾聞知以此山葬有伊祖奔至攔阻符禹甸等不允符文瀾往邀族人幫阻行至中途撞過符又泉符簡傳各挑籬擔前往收租符文瀾卽邀符又泉等至山見墳土已經掩蓋符禹甸等亦已下山符文瀾輒起意挖掘用尖頭扁擔挖開鬆土符又泉符簡傳亦各用籬簍幫同爬土起出一棺一骸經符禹甸等見而經投房族符子良等驗看以掘棺毀骸具控符文瀾知罪重大卽至已革監生符儀千卽符簡禮家商議符儀千告以此事必致成訟譜上載有易氏之墳葬在山內卽以挖毀易氏之骸抵塞符文瀾等聽從遂以沉骸擅葬情事控縣屢審供認不諱查符文瀾等與符禹甸等並無服制符文瀾起意爲首挖掘符飛六已葬父墳見棺並掘見符禹甸父屍將

邊還充軍符又泉符簡傳照爲從減一等律各杖一百徒三年等因乾隆十六年閏五月三十日題六月

初二日奉 旨依議欽此

刑部發
人等犯

直隸司 一起爲發掘開棺事會看得青縣賊犯于二偷創柯文光之妻沈氏墳墓一案先據署直隸總

督鄂彌達疏稱緣柯文光安葬其妻沈氏曾雇于二擡棺乾隆十八年二月于二因貧難度起意偷創卽於夜間獨自一人攜帶鐵鍬錐鑿潛至沈氏墳所創土開棺將屍拉出剝脫棉襖裙褲因時已五更聽聞路上有人行走慮恐被人撞過將屍擦於棺外攜賊奔回因見衣服血污不堪難以當賣拆洗又恐被人識破卽行焚燬滅跡柯文光由墳所經過瞥見墳土創掘查看棺木已被鑿開屍身無存隨在墳旁尋獲骨殖頭髮鳴同地方稟報緝獲于二到案屢審供認不諱查于二偷創沈氏墳墓雖賊無起獲但其所供顏色件數與事主呈報無異且該犯供認確鑿其爲此案正賊無疑自應按律定擬將于二依律擬絞監候等因具題查盜憑賊定必賊真而盜始確此案于二偷創沈氏墳墓之處據供所剝衣服因污臭不堪悉行燒燬等語查北方臘盡春初天氣正在嚴寒屍身未潰屍衣何至盡皆污臭卽污臭屬實該犯發塚剝衣原爲圖財既已奪取回家亦必設法拆改別圖售賣何至盡行燒燬該犯住居鎮審據供矚瞭而恐人見若以污臭不堪之物投之烈火則穢氣旁觸豈不更恐人盤詰況查招冊內該犯途拾幼孩零星衣

片尙且圖利存留豈肯將所創完好衣服反行燒燬細核此案賊無一起情涉可疑或該犯所得之贓別有窩夥寄頓不吐實情或捕役人等見該犯以無家室之人藏有幼孩衣片事屬曖昧因而借端逼認均未可定事關重辟未便率結應令該督再行詳細研審明確妥擬具題到日再議等因題駁去後續據該督方觀承疏稱嗣據該縣嚴訊原捕魏進禮堅供並無私拷逼認情事提訊于二據稱沈氏墳墓並未偷創實無窩夥寄頓贓衣情事因向在青縣興濟鎮土窖居住拾獲度日該鎮村外有空地一段中有破石碑記一塊係掩埋死孩處所乾隆十七年十二月有該鎮住民孟二幼子鎖兒夭亡蘆蓆包裹攜至石碑之北浮埋時該犯拾獲經過迨十八年二月該犯攜筐出外拾糞路經石碑之旁見孟二埋子處所浮土被犬刨開蘆蓆亦破衣服露出在外遂上前拾取見一半衣服尙穿屍上該犯希圖賣錢卽用手刨開浮土扯開蓆包取出孩屍在身上剝取藍布裏紫紅布面棉襖一件藍布裏淡黃布面棉褲一條放入筐內將屍照舊掩埋回至窖內取出查看所剝襖褲俱沾血污難以售賣遂將襖褲拆開棉花擦藥僅留布片洗淨晒乾同平日所拾布條布塊存放售賣時該犯身穿藍布棉襖一件見左袖裏面沾血一塊右袖外面沾血二點因無衣更換不能脫洗用土揉擦仍服在身嗣聞沈氏墳墓被刨查傳擗棺之人審訊因恐到官究出孟二子屍衣服之事卽逃走外將棉襖在滄州城內質當等語查于二從前審係偷創沈氏

墳墓正賊原因該犯曾爲沈氏櫬棺後經傳訊卽行逃匿迨拏獲到案並未加刑屢審直認而所供創墳情形及屍衣件數顏色又與事主呈供相符是以據供定擬並未起有贓據今該犯現供偷創孟二子屍襖褲已有拆存布片孟二查認明確自應照依現供定擬查孟二子屍係用蓆包裹浮埋雖屍已入土第該犯因見墳土被犬刨開蘆蓆亦破露出衣服始行起意偷創與發穿陷墳塚情事相等將于二比依發年久穿陷之塚開棺見屍一次例擬軍援請減徒等因具題應如該督所題于二比依發年久穿陷之塚開棺見屍一次例發邊遠充軍查該犯事犯到官在乾隆二十年六月初七日 恩詔以前所得軍罪應減爲杖一百徒三年至配所折責四十板捕役魏進禮因差傳擡埋沈氏棺木之人惟于二脫逃迨後拏獲又見有衣片鐵錐形迹可疑是以查問贓物帶案訊究並無借端教供逼認情事應毋庸議沈氏墳墓被創之案應飭另緝正兇獲日另結等因乾隆二十二年十二月十七日題十九日奉 旨依議欽此

河南司 一起爲稟報事會看得汝州民李修文之妻張氏墳墓被創獲賊張良臣一案先據河南巡撫

胡寶琮咨稱緣毛良兒與張良臣李福奇同莊素好乾隆二十六年二月二十二日張良臣同李福奇道及賁苗李福奇憶及無服族姪李修文之妻張氏於是年正月病故殮衣完整埋於莊北地內起意創它

飭據通意
不行又不
分賊以臨
時上盜爲
官